

國

朝

列

卿

紀

國朝列卿紀卷之一百二十七

巡撫陝西序

陝西古雍州地山河四塞形勝甲於天下南割楚蜀東連豫冀北捍胡虜西控羌戎誠中分天下之大域也我朝驅逐胡孽平定關中初命馮勝據關而守繼命郭子興據潼關戡鞏昌招摩遁殘嚴戢部曲以後耿炳文耿忠等相繼鎮守人賴以安然未有文臣鎮守之任自永樂十九年定鼎北京遣左都御史劉觀給事中劉觀巡撫陝西考察官吏然事畢則止未有專職宣德二年始命戶部尚書郭敦出鎮六年又命侍郎羅汝敬出鎮於是正統間陳鑑王文等皆內臺右都御史出入更代鎮守至

景泰三年耿九疇以刑部侍郎出鎮因文移不得徑下按察司以故偃蹇不受奏奉 欽依特改都御史巡撫遂爲定制成化二年虜酋毛里孩入寇特命巡撫項忠提督軍務以後邊陲多事於是有兼贊理軍務之命相沿至今不改然陝西綿亘千里領八郡加以土厚水深其民厚重質直以善導之則易興而篤於仁義以猛驅之則其強毅果敢之資亦足以強兵力農而成富強之業若延綏寧夏甘肅三鎮雖俱宿重兵各有內外重臣仗節握符開府其地然饋餉供億率仰給內郡至於屯戍之兵統領之將多自陝西調遣三鎮不得專焉是其爲任又非他省巡撫比矣况天設百二之險地藏九死之區實各邊樞要使經

國者控遐固外顯寧奠危而假之歲月隱然爲萬里長城步或
匪茹蹈我機阱則外有衆殲之禍內罹覆巢之慘其不畏之哉
是在保釐者加之意而已矣今詳撫臣宦履於後其行實見於
事紀其勲德茂著者表爲列傳其奉 勅有事茲土者另見於
首誥

國朝列卿紀卷之一百二十七

勅使陝西侍郎都御史年表

史仲成

陝西安化人進士永樂九年以右僉都御史出鎮

劉觀

直隸雄縣人進士永樂十九年以左都御史巡視考察官吏安輯軍民

汪驥

直隸東鹿人進士正統元年以兵部尚書整理邊務本年還京尋再往

白圭

直隸南宮人天順二年以兵部右侍郎贊理戎務

王竑

陝西河州人進士天順五年起副都御史參贊甘涼軍務

項忠

浙江嘉善人進士成化四年以右副都御史平土達滿四

王越

直隸濟縣人進士成化六年以副都御史總督延綏三邊軍務帥師搜河套九年又捕虜河套

葉盛

直隸崑山人進士成化七年勅往延綏議河套事

季

行直隸隆慶人進士成化二十一年以戶部左侍郎督邊儲賑饑民

楊

一清

湖廣巴陵籍雲南安寧人進士弘治十五年以副都御史提督陝西馬政詳內閣

何

鑑

浙江新昌人進士弘治十八年以刑部左侍郎兼左僉都清查陝湖河南戶口

周

東

直隸阜城人成化甲辰進士正德四年以都察院右僉都御史清理寧夏屯田五年罷任

洪

鍾

浙江錢塘人進士正德六年以刑部尚書兼左都討藍五鄂老人

彭

澤

陝西蘭州人正德九年以左都御史經略哈密

劉

燾

直隸天津衛人隆慶二年以兵部左侍郎兼右僉都御史巡視陝西等處邊務

鄭

洛

直隸安肅人嘉靖丙辰進士萬曆十八年以太子太保兵部尚書經略陝西

巡撫陝西尚書左右都侍郎御史年表

鄒

敷

山東昌邑人舉宣德二年以戶部尚書出鎮三年回部

羅汝敬

江西吉水人進士宣統六年

陳鑑

直隸吳縣人進士宣統六年以行在

王

直隸鹽山人進士正統六年

陳鑑

見前正德七年再出鎮九年陞右

王文

直隸東鹿人進士正統十年以右都出鎮

劉廣衡

江西萬安人進士景泰元年

陳鑑

見前景泰二年以左

耿九疇

河南盧氏縣人進士景泰三年以

以後定設都御史

張楷

浙江慈谿人進士天順元年

王 槩

江西廬陵人進士天順三年以右副都御史任

項 忠

浙江嘉善人進士天順七年以右副都御史任

陳 价

四川銅梁人正統己未進士成化三年以右副都御史任四年以失儀建獄

馬文升

河南鉤州人進士成化四年以右副都御史任五年以功轉左八年總制陝西邊務十一年遷兵部左侍郎

余子俊

四川青神人進士成化十二年以右副都御史出鎮

程 宗

直隸常熟人進士成化十四年以右副都御史任十五年丁憂

秦 紘

山東單縣人進士成化十六年以右僉都御史任十七年建獄

阮 勤

交阯人山西長子籍進士成化十八年以右副都御史任

鄭 時

直隸舒城人進士成化十九年以右副都御史任二十二年以直言論貴州左叅政

賈 爽

四川巴縣人進士成化二十二年以右副都御史任兼理軍務二十三年致仕

蕭

禎

江西泰和人進士弘治元年以右副都御史任

王宗彞

直隸東鹿人進士弘治五年以右副都御史任

張敷華

江西安福人進士弘治八年以右副都御史任

許進

河南靈寶人進士弘治九年以右副都御史任

熊翀

河南光州人進士弘治十年以右副都御史任

周季麟

江西寧州人進士弘治十三年以右副都御史任

孫需

江西德興人進士弘治十七年以右副都御史任

楊一清

湖廣巴陵籍雲南安寧人進士弘治十八年以左副都御史任

張泰

直隸肅寧人進士正德元年以右副都御史任

曹元

直隸舍山人進士正德二年以右副都御史任

柴昇

河南內鄉人進士正德二年以右副都御史任

才寬

直隸遷安人進士正德三年以右副都御史任

賈錠

河南安陽人成化戊戌進士正德三年以右副都御史任本年丁憂尋准致仕

崔巖

湖廣郴州人進士正德三年以右副都御史任

黃寶

湖廣長沙人成化甲辰進士正德四年以右副都御史任五年致仕

藍章

山東即墨人進士正德五年以右僉都御史任六年以功加右副都御史仍前任

陳壽

遼東寧遠衛籍江西新淦人進士正德九年以右副都御史任

馮清

順天宛平人進士正德十年以戶部右侍郎兼僉都御史任

蕭翀

四川內江人進士正德十一年以右副都御史任

王憲

山東東平人進士正德十一年以右副都御史巡撫十二年陞兵部右侍郎

鄭八陽

直隸安肅人弘治丙辰進士正德十二年以右副都御史巡撫十六年致仕

王珣

直隸永平人進士正德十六年以右副都御史任嘉靖三年改南京大理寺卿

王以蓋

山東維縣人進士嘉靖三年以右副都御史任

寇天叙

山西榆次人進士嘉靖六年以右副都御史任

劉天和

湖廣麻城人進士嘉靖九年以右僉都御史任十年加右副都仍前任十一年丁憂

王堯封

直隸定興人進士嘉靖十一年以右副都御史任

黃臣

山東濟陽人進士嘉靖十三年以右副都御史任

于湛

直隸金壇人進士嘉靖十五年以右副都御史任

任忠

山東登州衛人正德辛未進士嘉靖十六年以右副都御史任十七年卒於官

任洛

河南鈞州人進士嘉靖十七年以右副都御史任

袁 擯

山東德州人弘治乙丑進士嘉靖十八年推右副都御史未任被劾

趙廷瑞

直隸開州人進士嘉靖十八年以右副都御史任十九年以功加兵部左侍郎兼倉務司前在

路 迎

山東汶上人進士嘉靖二十二年以右副都御史任

翁萬達

廣東揭陽人進士嘉靖二十二年以右僉都御史任

柯 相

直隸貴池人進士嘉靖二十四年以右僉都御史任

謝 蘭

山西振武衛人進士嘉靖二十五年以右副都御史任

傅鳳翔

湖廣應山人進士嘉靖二十八年以右副都御史任

鮑象賢

直隸歙縣人嘉靖己丑進士二十九年以右副都御史任

賈應春

直隸真定人嘉靖癸未進士三十年以右副都御史任

謝九儀

山東章丘人嘉靖壬辰進士三十二年以右副都御史任

唐時英

雲南平夷衛籍湖廣盧溪人嘉靖己丑進士
二十三年以右副都御史任三十五年閑住

殷學

山東東阿人嘉靖壬辰進士
三十五年以右副都御史任

郭乾

直隸任丘人嘉靖壬戌進士
三十八年以副都任

程軌

山東臨清人嘉靖戊戌進士
三十九年以右副都任

裴紳

山東蒲州人嘉靖戊戌進士四十
一年以右副都任四十二年聽調

陳其學

山東登州衛人嘉靖甲辰進士
四十二年以右副都任

張瀚

浙江仁和人嘉靖乙未進士四十
四年以右副都任改大理寺卿

譚綸

江西直隸人嘉靖甲辰進士四十
四年以右副都起未任改撫四川

谷中虛

山東海豐人嘉靖甲辰進士四十
十五年以右副都改未任丁憂

戴才

直隸滄州人嘉靖甲辰進士四十
十五年以右副都任本年回籍

楊

巍

山東海豐人嘉靖丁未進士四十五年以僉都御史任隆慶元年改撫山西

張

社

河南固始人嘉靖戊戌進士隆慶元年以右僉都御史任三年回籍

張師載

湖廣潛江人嘉靖丁未進士隆慶三年以右副都御史任

楊思忠

山西平定人隆慶四年以右副都御史任陞南戶部右侍郎

張瀚

見前隆慶五年起任陞南院右都御史

溫如璋

河南洛陽籍嘉靖丙辰進士隆慶六年由膳黃右通政陞右僉都任七月致仕卒

邵光先

山西長治人嘉靖己未進士隆慶六年由廷綏僉都任萬曆元年陞右副都仍任三年陞協院左副都

陳省

福建長樂人嘉靖己未進士萬曆三年由協院左僉都陞右副都任七月丁憂

李堯德

直隸永年人嘉靖己未進士萬曆七年亡

蕭廩

江西萬安人嘉靖乙丑進士萬曆九年由

李

汶

直隸任丘人嘉靖壬戌進士萬曆十一年由山東

韓必顯

山東安丘人隆慶戊辰進士萬曆十

王

埏

河南太康人隆慶戊辰進士萬曆十四年由甘肅

趙可懷

四川巴縣人嘉靖乙丑進士

葉夢熊

廣東歸善人嘉靖乙丑進士萬

勅使陝西侍郎都御史行實

史仲成字

陝西安化縣人洪武中應貢入太學任監察御

史陞山西僉事革除中改桂林同知有政績永樂元年陞都察院右僉都御史四年營北京宮殿命採木山西六年出鎮大同七年回院九年命出鎮陝西四月劾陝西按察使辛耀副使徐道正張太僉事江榮馬驥黃禎挾妓飲酒有玷風憲命都察院械耀等於陝西按察司前榜示警衆後卒於官

劉觀字

直隸雄縣人洪武乙丑進士歷都察院左都御史

永樂十九年命巡撫陝西考察官吏安撫軍民事竣還院詳都察院

王驥字尚德直隸東鹿縣人永樂丙戌進士授兵科給事中歷官兵部尚書正統元年虜酋阿台朵兒只伯寇邊命往視師以便宜行事驥大集官兵問往年遇虜魚兒海首先退縮者誰咸曰都指揮安敬命斬之一軍服慄號令一新汰冗兵減轉輸之勞既虜酋把禿羅入莊浪遣都指揮魏榮勦之擒其部落以還本年還京虜聞復至上復命遣大將蔣貴追敗虜於石城兒泉復以貴并趙安爲先鋒自率兵轉戰二千里擒阿台俘男女二千餘虜酋走死西陲以寧捷聞命兼大理寺卿詳兵部白圭字宗玉直隸南宮縣人正統壬戌進士除御史天順元年由浙江布政陞右副都巡撫湖廣貴州三年虜寇陝西以兵部

右侍郎命贊戎務人對便殿賜賚優渥卽日就道至陝值總
戎失利乃按兵不戰至固原虜猝至從騎僅百人令下馬結陣
以待虜衝突者三疑有伏兵引去躡之獲十餘騎及牛羊以歸
旣而花馬池海納都連捷虜解去還朝詳兵部尚書

王竑字公度陝西河州衛人正統己未進士授戶科給事中歷
漕運左副都謫浙江布政爲民天順五年虜寇莊浪起左副都
御史經略西事竑威望素著號令區畫咸適機宜虜聞震懾邊
鄙遂寧尋改理漕運詳兵部尚書

項忠字蓋臣見本巡撫

王越字世昌直隸濬縣人景泰辛未進士擢御史超陞山東按

察使晉巡撫大同右副都成化六年以右副都御史總制延綏
三邊軍務越至崖窰川擒賊四十餘斬首數百遷副都又以黃
草梁擒賊五人斬首百二十進右都御史八年以後往來東西
路及寧夏斬首數多進左都九年時虜居河套出沒無時邊坐
大困越謀知壯者出掠選精騎自出塞齎七日糧每二舍伏兵
數百使行休四日天未明至虜帳擣之斬獲無算虜歸哭聲震
天悉力追軍殿者力戰及前伏兵起又與戰再遇伏知有備大
慟而遜自是邊無患者二十年甲午加太子少保增從一品祿
掌院事

葉盛字與中直隸崑山縣人正統乙丑進士授兵科給事中歷

吏部右侍郎成化二年勅往延綏議河套事宜奏言搜河套復
凍勝皆事勢所難不敢妄議惟增兵守險剷削邊牆增築城堡
收新軍以實邊選士兵以助守實爲長便上是其言詳吏部
李衍字文盛直隸隆慶人景泰辛未進士授兵部主事歷戶部
左侍郎成化二十一年勅總督三邊軍儲兼賑濟饑民時關
陝不雨月餘衍虔禱所至輒雨又引渭爲渠百里以利民歲大
稔民賴全活詳戶部總儲尚書

楊一清字應寧湖廣巴陵縣人成化壬辰進士授中書舍人歷
南京太常卿弘治十五年以右副都御史督理馬政遍訪朝野
得其利病擇材任使處置牧馬茶鹽實濟邊用十七年清出荒

熟牧地凡十二萬八千四百七十三頃有奇奏准揀用陝西憲臣一員駐劄臨洮專巡茶馬選取三司官三員填註鞏昌平涼府聽不時委用題准招商自出資本買茶裝運茶司每千斤給銀五十兩大約銀萬兩舊止買馬千匹今可得三千匹事例至今稱便詳內閣

何鑑字世光浙江新昌縣人成化己丑進士授宜興知縣擢御史歷刑部左侍郎弘治十八年命兼左僉都御史清查陝湖河南戶口鑑刊條申詳勅旨委藩臬分方任職於是三省清過流移逃亡戶四十萬有奇丁口百萬人編籍者戶二十二萬五千六百丁口七十三萬九千六百竣事還疏處置地方十事賜羊

酒寶鈔詳兵部尚書

周東字直隸阜城人成化甲辰進士正德四年以右僉都御史清理寧夏屯田五年閑住

洪鍾字宣之浙江錢塘人成化乙未進士授刑部主事歷刑部尚書兼左都御史正德五年命總陝川湖河四省軍務時汚陽洞庭水寇丘仁楊清等攻掠城邑鍾以計擒滅之川賊藍廷瑞鄢本恕等寇暴川陝遠近騷動鍾涉險深入運謀設奇躬冒矢石斬獲招降以十數萬擒巨酋二十八人露布以聞土官楊友楊愛相仇流劫重慶保寧諸州縣調兵勦平之賜玉帶麒麟服進太子太保詳都察院

彭澤陝西蘭州人正德九年以左都御史經略哈密

劉燾直隸天津衛人隆慶二年以兵部左侍郎兼右僉都御史
巡視陝西等處軍務

巡撫陝西尚書左右都侍郎御史行實

郭敦字仲厚山東東昌府堂邑縣人由鄉貢舉擢戶部廣西司
主事累官行在戶部尚書宣德二年以關中要地特命出鎮居
官剛正人莫敢犯所在整飭紀綱盡誠撫下不徐不亟吏畏民
懷冰蘖之操無愧古人雖官至六卿泊然布素居歲餘召還戶
部詳戶部

羅汝敬名簡江西吉安府吉水縣人永樂甲申進士擢翰林修

撰洪熙元年言事降雲南道御史累官行在工部右侍郎宣德
六年命提督陝西甘肅寧夏屯田分等第定賦則區畫精密杜
兼并廣儲蓄至今賴之七年回部正統元年再命理陝西軍餉
一年還部詳工部

陳鑑字有戒直隸蘇州府吳縣人性寬恕疑重端確不羣美髯
而偉容人見之知爲公輔器永樂壬辰第進士擢四川道御史
十八年陞湖廣按察司副使丁憂服闋除山東副使未行卽丁
父憂宣德八年服闋待次更授浙江差往魯家務運木十年乙
卯朝廷方以關中爲國重地陞鑑右副都御史偕都督同知
鄭銘鎮陝西英宗卽位賜白金誥命正統二年詔鑑兼

提督寧夏延綏等處邊備 勅命事竣遣還 朝三年始得還
奏邊務民情事通一十八疏悉賜允行之 朝廷以爲關中不
可無鑑也復命往陝西鎮守如故六年 命僉都王翺代鑑還
不踰年復 命往且聽便宜行事九年陞右都御史以延寧甘
肅邊臨虜壤將士習於宴閑而邊事日以廢弛 詔鑑與靖遠
伯玉麟等整理延寧甘肅總兵守備軍務俟有條理還鎮陝西
歲乙丑 英宗念鑑久勞於外又 命右都王文代還之鑑自
右副都御史至爲右都御史十餘年間雖兩被 命徵還隨以
陝人奏保留鑑故不得久在朝用事至是 詔鑑視印管院事
己巳 英廟北狩 邸王監國鑑同尚書于謙等彈奏奸臣王

振傾危 宗社歷數其罪千萬言讀既畢 王諭以自有處置
謙等言振罪惡滔天今日不正典刑滅其族臣等皆死於此地
因慟哭聲徹中外 王起入內衆擁謙等隨入太監金英傳言
籍沒振遣指揮馬順往衆曰奸臣黨也宜遣都御史陳鑑英脫
身入順前勸解詞色稍遽給事中王竑粹順首衆爭毆之頃刻
而斃衆求內使毛正等二人英使粹出亦擊殺之鑑等奉令旨
籍振宅并其黨彭得清內使陳宦等家執振姪指揮王山鬱於
市其族屬無少長皆斬十月虜寇畿邑遠近奔匿 詔鑑爲左
都御史差往通州河間至臨清一帶撫軍民及安插口外之來
避寇者景泰元年陝西旱甚所司官軍餘丁計一萬四千三十

八名上疏奏保復來賑濟監司官以下驛聞 朝廷重違陝人
之欲而又鄭重遣鑑於是慰諭勉出居一年至爲賑貸撫恤全
活甚衆還 朝廷有玉帶白金綺段羊酒之賜陞太子太保兼
左都御史管院事在陝西撫安鎮禦紀律之下惠澤加焉輪峙
糧餉選繅將士修繕城池管築臺堡汎水利屯種咸在處度日
不暇給曲盡其道人咸便之雖當北虜黠詐渝盟竊發鑑當先
事爲備不失機宜又於延綏等處相其險阻奏置靖虜衛添設
河橋巡檢司於神木府谷二縣各設守禦千戶及於定寧塞靖
邊馬營迤西甘肅寧夏極邊等處立塞堡墩臺一千餘所至今
賴之又奏延安綏德地方相接東抵山西德州北通東勝察罕

腦兒西接寧夏板兒沙漠遇冬黃河結凍無阻以至達賊擾邊
乞命武臣總戎文臣叅贊雖當時未行至正統末年設之後王
驥整理延寧甘肅軍務稱鑑在彼年久深知彼情由爲委重一
應安邊滅賊之策悉聽便宜處置鑑亦悉心所事凡其設施悉
稱上旨陝西數經亢旱鑑殫力竭誠拯救備至奏免宿逋數
十百萬人賴不瘁及所全活甚多咸呼爲黑髯慈父爲立生祠
故至則驩迎慶忭去則攀挽歌思鑑之得於關陝者如此詳都
察院

王翺字九臯直隸河間府鹽山縣人永樂乙未進士授大理左
寺正尋遷行人宣德元年以楊士奇薦爲山東道御史陞都察

院右僉都御史正統改元鎮守江西戊午巡鹽浙江己未叅贊
四川軍務辛酉奉勅旨鎮守陝西整飭關隘操練兵馬舉用
將帥三邊晏然關中以治凡羌戎莫不服其令七年遷撫遼東
歷鎮兩廣蓋跡踐三陟而譽達四邊於是召正銓衡官至吏部
尚書詳吏部

王文字字千之直隸保定府東鹿縣人永樂辛丑進士擢御史宣
德中陞陝西按察使正統三年陞右副都御史巡撫寧夏五年
入爲大理寺卿七年陞都察院右都御史理院事十年代陳鑑
鎮守陝西地方爲人深刻與陳鑑交代一揖之外未嘗接談十
四年也先犯順當國者移文沿邊歛民入城以避其鋒文謂點

虜逆天神人共憤不宜驚擾以惑民關中安堵如故尋召還入
院遭逢景皇知遇遂席權怙寵不能容物而入閣以後尤剛
復無忌識者已知不保其身矣詳內閣

劉廣衡字克平江西吉安府萬安縣人永樂甲辰進士宣德戊
申拜刑部主事正統甲子陞陝西副使景泰元年以陝西右布
政陞都察院右副都御史鎮守陝西抵任條陳數十事皆安邊
禦寇利國安民急務多見施行時邊報多警從容裁處咸得其
肯綮督修城堡七十餘處復奉勅轉輸軍餉數萬石於邊城
適歲旱民饑因設法濟之俾不失所而公家之務益辦本年召
還院歷刑部尚書詳刑部

耿九疇字禹範河南河南府盧氏縣人永樂甲辰進士擢禮科
給事中歷兩淮鹽運使景泰三年以刑部右侍郎鎮守陝西至
則繩違糾貪威望大著初六部卿佐使外文移不得經下按察
司以故偃蹇不受約九疇首奏下之邊將請於臨洮諸衛添取
防兵朝議下九疇議九疇上疏言邊城士卒不爲少矣在爲將
者御之何如耳果能嚴紀律精練習勤撫恤絕侵漁以養其銳
氣則一可當百以賞罰明信則人人思奮不然徒冗食耳遂從
其議又罷邊民拘那之制申飭邊防具有方略四年改都察院
右副都御史仍鎮其地會有災異求直言九疇以禮延訪儒碩
進講經筵精嚴選舉申明賞罰責任守令簡閱士卒爲弭災急

務條具以聞且言乞加放黜以警庶位又聞 朝廷下有司買
羊角以充燈費上疏曰昔宋神宗買浙燈而蘇軾輒諫止之今
買羊角製燈無乃類是書曰不矜細行終累大德遂止耀州人
爲妖言守臣以反聞逮捕二百餘人九疇曰此本狂妄非反也
悉以減死論天順元年 英宗泣極思九疇廉正可用召爲右
都御史掌院事詳南京刑部

張楷字式之浙江寧波府慈谿縣人永樂甲辰進士拜江西道
御史歷陝西副使景泰元年以都察院右僉都御史計閩寇寇
師至京有劾其耽師玩寇以罪罷歸天順三年陝西興師禦寇
起楷以原職巡撫陝西理軍餉增戰騎募勇士以佐王師本年

召還南院尋卒於官詳南京都察院

王槩字同節江西吉安府廬陵縣人正統壬戌進士授刑部山西司主事歷河南按察使天順元年以都察院右副都御史巡撫陝西地方值歲大稔老弱流移檄所司設法鳩聚停逋負定賦額民恃無恐七年遷大理寺卿歷刑部尚書卒謚恭毅詳刑部

項忠字蓋臣浙江嘉興府嘉善縣人正統壬戌進士授刑部主事歷廣東副使天順三年忠爲陝西按察使適陝饑以拯民爲已任不待奏報輒發倉賑之全活以萬計聞繼母喪陝之軍民赴闕留者千人詔奪服還任七年以大理寺卿徵旣行陝人

復詣闕借留。天子欲慰陝人，乃拜右副都御史，仍撫其地。軍民喜，忠來爭焚香，遠近歡聲如雷。時洮岷生熟番作亂，忠調兵撫捕之，遂降其衆。成化元年，虜犯延綏，忠與寧遠伯任壽調兵禦之，虜遁去。關中水泉斥鹵，宋有龍首渠，歲久湮廢，居民病之。忠奏開一渠，餘二十里。涇陽鄭白渠亦久廢，奏募王疏通於平地，則度勢高卑而穿渠，遇岩則聚火鎔鑠而穿，寶不二年而成。遂名曰廣惠渠。凡灌田餘七萬頃，人懷其惠，立生祠祀之。二年，虜酋毛里孩入寇，命忠提督軍務，與彰武伯楊信禦之。戰屢捷，虜復遁。三年，召還，佐院事。四年，戊子，固原土達滿四怨將官劉清生事，構其醜類謀叛。不三月間，聚衆二萬，據石城，將舉大

事遠近戒嚴守將寧遠伯任壽廣義伯吳琮巡撫都御史陳价
等率兵勦捕兩被殺傷都御史費良死之事聞衆推忠詔以忠
總督軍務與都督劉玉討之伏羌伯毛忠戰死我軍遽退忠卽
陣斬一千戶以殉衆乃定會有星孛於台斗中外洶洶占者以
在秦州不祥忠曰賊害生靈惡貫滔天今仰仗 皇威問罪
師直而壯兵法曰禁祥去疑昔李晟討朱泚樊惑守歲卒以成
功今殆類此乃不候援至卽以師據賊水草坐困其勢 朝廷
尚慮師淹歲月 詔問忠可否益兵忠卽上疏謂京軍怯不諳
戰益之無補時兵部及兩侯伯上章者惡忠異已各煽浮言忠
堅主坐困之策與賊相持百日彼漸有欲降者忠乃以一卒自

隨單騎抵寨曉以禍福於是賊中脅從之衆相率來降獨滿四與左右復來刼營前後大小三百餘戰皆却之已而滿四乃夜使愛將楊虎狸者出營遠汲被擒忠先揚言斬之虎狸乞饒命忠乃諭之順逆許以不死解所束金鈎賜而遣之約爲內應以故滿四卒爲虎狸所賣成擒斬首七千六百有奇俘獲二千六百因陳四事爲經久計上皆從之先是忠披堅於石城下督軍殺賊雖矢石如雨略無懼色鈞陽馬文升嘗勸其特重忠曰奉命討賊久無成功死所甘心輿論偉之五年以功陞右都御史尋召還佐理院事詳兵部

陳价字

四川重慶府銅梁縣人正統己未進士歷陞都察

院右副都御史天順八年巡撫寧夏地方處事疎庸無所建明
成化二年虜酋大舉入寇固原土達有李俊者獨以羊酒奉字
來喜答以馬遂有北從意值都督張泰致仕居本鎮而養生於
烏沙州迤南與土達相隣牛馬多被賊虜掠傳聞非虜賊卽固
原土達張把腰等假之也三年丁亥泰价移撫陝西泰令家人
狀張把腰虜掠事於价价至陝遂付分巡僉事石首蘇燮逮問
而張把腰已懼先遁時鞏昌府張通謂縣人戶逃於把丹孫滿
四等堡潛住縣遣里長追捕遂爲滿四等所殺竟不知其由至
是縣亦上於价价逮之滿四等雅素縱佚不知官府益危懼僉
新任靖虜等處叅將都指揮劉清至固原守備指揮馮傑索各

土達馬匹鷹翎等物滿四等因謀於俊而俊實奸黠遂倡謀從
北虜時把丹曾孫滿璫者四之姪也襲祖職以功遷平涼衛指
揮僉事有司移文平涼衛捕張把腰滿四等甚急其衛指揮日
逼督滿璫以應解璫慙人也了不知俊四等已有叛意遂率火
鎮撫弟火四等二十餘人陰携鐵索刑具往捕之四等知之候
璫至堡誑璫所率人散各家具食盡殺之因劫璫四等數人叛
入石城石城者東西俱山左山峭壁高數十仞無徑路上者俱
曳繩而登西山頂平可容數千人城中無水有數石池外設棧
道而棧下則築小城護之前有小山高亦數仞如照壁狀兩傍
空處并後悉築牆高二丈五六尺各留一小門僅容單人馬過

之不知何代人造此以避亂者城外皆亂山形甚惡人至此毛髮聳然滿四等常圍獵至此熟知其險可據遂居之已而李俊往誘永亨合土達爲亂分守叅將劉清領軍自清虜來與戰不利報至陝鎮守太監劉祥寧遠伯任疇與价會遣都指揮邢端申澄率陝西各衛兵往捕戰於城下申澄死之邢端遁歸官軍大潰事聞遠近驚駭兵部請以价與任疇并寧夏總兵官廣義伯吳琮延綏都御史王銳叅將胡愷各率所部討之寧夏兵先至价與吳素不知兵竟不候延綏兵至自固原急趨蔡祥僅夜二鼓營壘始定軍士勞苦比曉卽出兵架梁順嶺而行去石城十里許賊數千出迎請降時軍餘馮信最知兵隨价言於諸公

曰賊雖誠僞莫惻然我軍夜間未息凌晨卽行且乏水飲無執
戈力不可與戰姑從彼意退兵徐議攻討吳琮叱曰兵已至此
豈可聽彼誘退遂麾兵進賊先遁去至城遂驅牛羊數千在前
而精兵後繼時尚無甲兵器械各執木梃而鬪官軍遂敗任疇
吳琮俱退保東山价欲自盡左右人護下山遺失軍資器械不
下千數大銅將軍亦二座兵猶有被圍在山者皆棄之而歸盡
死於賊賊遂乘勢猖獗凡係土達俱逼入城而於靜寧大路抄
略運送甘州冬衣布花萬餘疋餼糧不可勝計時兵部主事閻
讓催軍至固原具以聞或傳其黨導以窺陝者朝野益震价
與任疇吳琮劉清馮傑俱解赴京師八月內乃起項忠總督

軍務馬文升巡撫會兵討之始平其亂而啓累階禍玩寇殃民
价不能辭其責矣

馬文升字負圖河南開封府鉤州人景泰辛未進士成化四年
固原土夷滿四倡亂前巡撫陳价失機逮獄時文升以南京大
理寺卿居憂於家服初闕特起爲都察院右副都御史巡撫陝
西與都御史項忠總兵官劉玉會兵討之九月十八日至陝申
戒所屬整點民兵防守城池及趙運糧餉畢十月一日至固原
項忠營是夜砲聲甚急營中皆驚文升尚未寢急令官軍嚴守
營門至天明視之乃賊留文書一紙云容我每石城居住免納
糧差奏聞 朝廷饒我每罪等語衆愕不可測文升曰此不過

欲緩我兵何足信只可整兵以俟進討因與項劉諸公謀求用
兵方略地利險易衆皆言石城之險不可輕進又以前兩失利
皆難之乃令善畫者圖其形勢兵分六路項與二劉并文升及
巡按御史任佐姜孟倫右布政使余子俊左叅政龐勝屯中路
延綏鎮守太監秦綱都御史王銳叅將胡愷副使鄭安屯酸棗
溝伏羌伯毛忠鎮守陝西都督白玉御史鄧本端屯木頭溝叅
將劉清夏政布政司右叅議嚴憲屯打刺赤寧夏副總兵林勝
叅議崔忠屯紅城子陝西都指揮張英鞏昌府同知羅豫屯羊
房堡期三日諸路各出精兵先嘗賊且探地廼大舉比至城外
賊覘知就來迎敵延綏官軍恃勇首失利陣亡二十餘人而賊

之死傷者亦衆衆益懼至十三日會兵復往探山勢水頭賊復迎敵佯敗去官軍遂至城下時賊尚多居城外者官軍忽之貪取財物賊遂歛衆入城伏羌伯毛忠曰賊能有幾多速進兵勦之官軍四攻上山賊極力拒敵毛忠攻其東山路險隘不能進賊奮死捶阨官軍退敗墮崖死者衆而毛忠亦被害賊被鎗砲死者不可勝計斬獲數百顆文升時在中軍領軍馬五百餘帶草萊欲燒賊柵西路之賊乘勝復回東路官軍不能支亦却總兵劉玉被圍子城下官軍頓散劉玉亦中流矢家人陣亡者三四人項忠斬甘州退怯千戶丁某以徇官軍懼復登山文升亦調度所領兵破空填列以振聲勢敗軍猶欲遁文升號令敢有

在逃者斬之中傷者移置山下衆稍定不敢退俄劉玉子斌來報曰家父被圍乞阻敗軍文升曰第入視汝父少頃項忠至憂鬱失色文升從容言勝敗兵家常事況今日之戰賊死者亦多勢已不振此時黃河未凍賊不北徙無深慮者徐可再圖奏報明言伏羌伯忠義奮發爭先登山斃於流矢賊勢已窮蹙且語所遣舍人陶珍等至京但言賊當就平以安中外時朝廷久望捷報奏至卽令宣捷陞珍等爲所鎮撫其月筭出西方兵部及撫寧侯朱永定襄伯郭登議以滿四驍勇恐其渡河與北虜連和禍不止西陲乃文章擬益兵赴援項忠與文升謀兵應益與否文升曰若不益萬一賊不能平誰任其咎第上請令撫寧

侯朱永率宣府大同精兵五千順邊而來賊平則止之未平則并力勦之項忠從以上請且日督兵攻圍賊在山熟視不出戰官軍至暮則回項忠憂之文升入謀於項忠曰城中賊既無水而藹粟亦漸乏若絕其藹汲則彼若釜中之魚當自斃矣項忠從之遂令官軍盡焚左右近地之草賊馬死者殆盡則又盡以死人馬填塞城外水泉候賊夜汲者設伏掩襲之多被擒益知彼中消息正艱於水文升曰此時賊窮蹙已甚不足慮矣石城南門與東山相近時令都指揮孫璽領兵數百駐於上以視賊之出入迨兵將回此兵方掣賊據前時矢石雨下我軍不能出時都指揮魯鑑統莊浪土兵千餘人出馬前鋒入於殿後被賊

襲至夜方至文升復言於項忠曰孫璽軍掣之大旱故也候中軍兵行遠山上兵方掣項忠從之自此賊不得上山中軍兵結陣而回賊竟不敢襲其後獨延綏軍與賊門相對日被攻圍中傷者衆勢不能支文升又言於項劉諸公曰彼處當發兵衝擊攻其所必救賊若上山攻我我以此精兵衝其脅賊必折北衆從文升計乃遣劉玉子文同甘州達官指揮赤撒率土兵五百人候賊上山兵卽繼進以邀其後賊信胡人十月八日神降曰若今日出戰勝則利不勝事不利矣至日賊果出攻我山上兵我兵依法擣之遂斬首十數級賊始懼會續調甘州都指揮劉晟兵三千至十八日復會兵攻城兵已上山勢高險卒不能克

又日值短景不久卽晡兵在山上者數千人彼此皆懼而賊尤甚文升方憂兵不能掣而賊又懼我攻山乃詐請降欲總督總兵官詣城下項劉二公皆單騎詣彼久不回賊披戴明盔甲者數百人環遶門外而輕騎往來示武文升與太監劉祥在溝外文升曰賊窮蹙無信義萬一二公被遮留何以言之朝廷速邀二公歸賊堅訴要巡撫大人來文升曰若不往是示怯乃從數十騎至溝邊大聲罵曰賊徒無禮天朝將官戡在此敢再反乎以精兵四外旋遶叱去之賊遂入城文升至城下滿四同滿璫等乃出訴曰我等本良民被劉叅將馮指揮激變我今旣如此願赦死請降文升乃言劉叅將等激變爾等朝廷已知

之各官解赴京師矣爾速降 朝廷必宥爾罪賊皆羅拜兵始
獲從容而下一無所傷文升因問滿璿曰爾被逼劫入城非反
者璿乞命文升遂帶璿回營次日賊卽設木柵於山上請戰不
復言降矣一日夜五鼓內有李旗者至營外報曰今夜城中賊
自相讐殺可乘機勦之文升與項劉諸公曰此言固不可深信
但以理度之恐不虛遂令中營軍士晨食及傳諸營俱早至山
下賊果亂未及俱上山亂矢下射戰良久我軍仰面受敵文升
與劉項親在陣前督軍矢至面無敢避者賊亦多傷但不能得
其首級耳日暮遂掣兵晨至山下則用守城大將軍銅銃往城
中擊之死者不知其數然天氣嚴寒軍士不敢燃火賊堅壁不

出迨暮始回軍中頗嗟怨竊相謂曰攻則攻之使我軍早還終日受寒何日得了文升聞之又言於諸公曰頓兵日久恐生他變卽黃河一凍北虜入套我軍豈能久駐其時賊乘間突出奔入河套與之合則貽患有不可言者莫若攻城破之可必衆不可決時城中有一人代滿指揮送鋪陳馬匹到營有識之者曰此陳都堂牢子張馬六也陳公軍敗遂從賊文升問曰爾可回否馬六懼不敢對因留詢城中事彼既不吐實又復譁張欲陷我軍遂令人給送回固原寧家卽於山溝內殺之石城外有壕深丈餘人馬不能至城下文升思欲用土填之乃取各城上園竿木數千練成大橋置徧箱車軸上軒昂隨人亦可用以攻城

至期遂至墩邊抵其前以遮矢石命軍士數百人每人負土一袋以填壕須臾壕平車至城下以竿繫城果高二丈五六尺賊乃開舊所立木柵懸大石以防文升因欲乘此臨城衆恐傷人文升曰豈有攻城不傷人之理諸公終猶豫不決乃止賊用是益懼漸有出降者文升與項忠議曰此輩不可害也遂給帖令旗牌手送出管任歸家自此逸出者衆賊雖嚴法禁之終莫能遏我輩圍困日密賊旣無馬絕水漸有逃散意乃令曉番語人四外招之時回回楊虎狸驍勇有謀略四倚爲謀主見勢不可爲遂以十二月十六日晚出聽招至大營時文升方會諸公籌畫兵事虎狸至心甚恐文升曰汝旣聽招而來不必懼劉總戎

拔刀與誓曰爾若能擒滿四或殺死來獻 朝廷有榜文賞白銀五百兩金一百兩陞爾指揮遂以銀示之送出帳房外屏人問曰何日可戰虎狸曰只在明日儻落雪人有水難以爲力但滿四最怕神鎗至日若戰不可放鎗放卽彼退去矣文升又曰何處可戰虎狸曰只在東山口文升復曰賊兵精銳尚多爾可計移其兵上山方可信項忠亦厚慰之乃遣兵次日至五鼓文升與劉項二公整兵而出至山下其東山口係延綏兵所守地方而機不可預泄乃謂延綏叅將胡愷曰爾營兵連日損傷寔多中軍兵可代爾守一日胡應曰諾文升卽命掣其兵移中軍兵於山口令人於高山上視之見有騎白馬出城者乃四也既

而東山上果有披戴明盔甲精兵數百人項忠方信之劉玉恐其子文陷在彼不利欲麾兵進文升曰不可兵一進彼必退矣如此者三探忽來報曰今日廝殺賊箭往上射文升叱曰賊多詐王銳等漸覺之麾下悉前兩軍相戰良久彼此殺傷相當我軍奮勇鏖戰賊遂大敗俄報滿四等已爲郭翹生擒少頃送至軍中爭功者不已文升手刃欲殺之衆方散文升與項劉諸公議曰四旣就擒城中破膽乘勝逼城崩之必矣劉玉曰旣得四且罷若進兵恐賊堅守卒不能平遂以四歸營官軍大悅文升乃書火牌十數面行各邊并陝西各府知之以安人心賊有馬驥南斗俱驍勇過人四皆待以心腹次日復率其衆出戰官軍

輒擒之賊勢益蹙乃以擒四等捷聞且止援兵有勅獎諭并賜羊酒犒勞不一日城中復立平涼衛達官鎮撫火敬爲主以拒官軍凡逸出者卽殺之項忠令諸營各遣夜不收數人夜偵於城下賊北行卽報南行勿追蓋欲散彼之黨易成擒耳劉總戎議欲任城中餘賊皆散去不追項忠與文升議曰賊自叛逆殺我一伯三都指揮官軍死者數千人今欲縱之後稍有不遂意卽又叛矣終爲陝西患論法不可恕乃日探之至十一月二十五日賊度不能支一夜潰出四散而去悉發諸營兵捕之擒斬數千級惟滿四姪太平舍人能最驍黠逸去詢其黨滿洪八能熟知青山洞用火薰之方就擒并獲其家屬百餘口諸營軍

官日搜山有得賊五百餘人幼男婦女不下數千盡分給官軍止選取十三歲以下者數百以俟取用楊虎貍家口亦被獲虎貍曰望救之文升令旗牌手引虎貍逐一認之俱給還而其親戚以虎貍被宥者亦衆蓋以其預有功也惟舊時爲盜者百十人走彗箒山置帳房十頂居之屢招不下項忠命攻之亦不克文升與項忠議曰此亡命殘賊不足慮終能得之第石城之險非盡夷前後所築城垣恐後有叛者必據此爲巢穴遂令萬人悉平之至於陣亡官軍之骸骼久暴於城外則令右布政余子俊收聚起大塚葬之祭以牲醴復立石記平石城歲月於山崖以示永久及會項忠至彗箒山視之文升方欲設法攻勦忽延

綏報北虜已入河套矣僉謂我軍久暴於外僊北虜聞之擁衆來此其何以禦之乃留精兵三千於本山之外伺賊文升與項忠於十二月二日并諸營軍馬悉回固原文升乃宴總督總兵并各鎮巡撫將佐尚有所獲土達老婦人三百餘口文升與衆議以之解京途中勞費悉責其親戚放遣之項忠以二十六日歸陝而諸路兵俱回鎮其生擒賊千餘恐生變卽營中斬八百餘擇留滿四馬驥南斗火鎮撫等及其黨與之罪大者二百名并滿四妻解赴京師且以兵後久安無虞之計上聞再奉勅獎勵而慧幕山餘賊至成化五年己丑正月十四日賊首毛哈剌亦伏誅傳首至陝餘賊解散其未殄土達悉不究令其本分

耕牧蓋慮其奔河套以促大虜也於是石城迤北古西安州添設一千戶所置官撥軍防守以固原千戶所改爲固原衛奏選指揮等官苗鳳等七十餘人理衛事復添兵備僉事一員舉輩昌府階州知州楊勉任之項忠等遂班師本年三月論功行賞太監劉祥歲加俸二十石劉玉陞左都督項忠陞右都御史文升與延綏巡撫王銳皆陞左副都御史餘皆陞職有差滿四及妻等至京師皆磔于市任璫吳琮陳价謫戍兩廣劉清馮傑亦坐誅惟李俊之姪洪滿四之姪安亡去竟獲亦棄市京師四月勅撫安所餘土達復親詣固原檢其戶數拘其老者面諭以生生之樂釋其驚疑衆皆叩頭俯伏曰誓不敢違亂遂奏給復三年

以安其心復榜示曉之選壯者千名隨軍皆俯首樂從願効死
力以報復再奏指揮滿璫官陝西西安左衛帶俸以絕後患既
西方底寧時流賊鋒起漢中李鬍子潼關火蝎兒蒲城王彪各
聚衆劫掠殺敵官軍其鋒銳甚文升悉以計剪除之王辰虜寇
臨華文升督兵追至黑水口生擒平章鐵烈孫斬首數千顆遂
陳時政十五事及禦邊三策 尋命節制三邊秋九月北虜寇
韋州深入固原及好水川文升檄召諸路兵按伏湯羊嶺虜至
遇伏驚遁盡棄輜重擒斬二百餘名顆因收其嶺爲得勝坡勒
石紀功又勦平岷州叛番厥績尤茂其巡撫奉公伸法亡所撓
任姦猾弊治者悉剷發隱貸事有利於民必極舉之出便宜榜

利民甚多經略諸邊有方而威惠行於吏民十一年召爲兵部右侍郎累官少師吏部尚書詳吏部

余子俊字士英四川眉州青神縣人景泰辛未進士爲西安知府敏達有治績時論爲關中七府之冠後爲都御史巡撫延綏開榆林邊濬渠水教民種稻蔬葱韭又墾荒地萬頃令民田之其所治器具皆精理可久遺惠至今弗斬成化十二年陞右都御史移鎮陝西有 詔議弭盜安民之策選將勵兵之方條上事宜凡七疏入皆從之行之至今餘詳兵部尚書

程宗字源伊直隸蘇州府常熟縣人景泰辛未進士授刑部主事累官陝西左布政歷都察院右副都御史治院事成化十四

年陝西缺巡撫適邊境多事命宗出撫偕總兵官率師征洮川西番滿松等族及往來慶陽榆林調度民兵食邊境無事十五年丁母憂詳南京工部尚書

秦紘字世纓山東兗州府單縣人景泰辛未進士擢南道御史累官陝西右叅政成化十五年任陝西左布政十六年陞都察院右僉都御史巡撫陝西紘在關中最久民情兼練凡典司出入雖寸牒僉悉皆手書日閱奸黠凜凜知戢又平徭役完逋負至於聲色讌遊之樂泊然不汨其心說者謂紘起西安歷藩司與余肅敏同聲望又相當至今陝西並祀遺愛祠會陝西缺撫臣從人心特陞巡撫時秦府旗校肆橫民苦之紘悉擒治不心

貸秦王不能堪奏其欺滅 憲宗怒逮下錦衣獄命內臣尚亨
籍其家止得黃絹一疋故衣數事亨回奏絃貧狀 上親閱其
貲嘉嘆良久詔釋其繫且賜鈔萬貫以旌其廉調河南巡撫詳
三邊總督及戶部尚書

阮勤字必成交陟多翼縣籍山西長子縣人景泰甲戌進士授
大理寺評事歷山東左布政成化十八年以山東左布政陞都
察院右副都御史巡撫陝西地方在任無所建明十九年陞兵
部右侍郎歷南京刑部左侍郎詳南京刑部

鄭時字宗良直隸廬州府舒城縣人景泰辛未進士授御史累
任湖廣左布政成化十九年以都察院右副都御史巡撫陝西

值大饑人採桑榆而食或父子兄弟相噬時懼乃 奏請襄陽糧及內帑銀各數萬以濟既至乃命布政等官分守城四門給饑民無敢侵漁者流移安堵病者咸起時每朔望必至文廟行香升明倫堂令諸生講書遲久撤案人問其故時曰方今人情洶洶皆欲爲亂諸生吾既有賑彼儆省以遵王之義異言不作何由起亂人心果定而民戴之如父母 上特賜璽書獎勞又符移六道周諏民隱興堰減以佐耕如疏決平涼利民渠功大費省民多感之二十年中貴用事蟒衣賜賞太濫時 上利國保民五事一曰盡誠敬以回天意二曰明理義以杜妖妄三曰減進貢以蘇民困四曰息傳奉以抑僥倖五曰重名器以待有

功遂爲梁芳輩所擠左遷貴州左叅政起行日長安老少莫不號泣聲動天地遠近奔走相送皆以手爭扛其輿盡境而還傳聞至京上知之因厭芳所爲官至南京刑部尚書詳南京刑部

費奭字



四川重慶府巴縣人景泰甲戌進士授慈谿縣知

縣天順六年擢山東道監察御史成化四年陞蘇州府知府八年以憂去十年補平陽府知府二十二年任都察院右副都御史巡撫陝西地方兼理軍務二十三年致仕

蕭禎字彥祥江西吉安府太和縣人天順甲申進士授南刑部主事歷河南左布政弘治元年以都察院右副都御史巡撫時

陝大饑死徙相繼區處安輯多復故業芻粟茶鹽以至城塹器械必加之意錄重辟若干人得可矜疑者悉置輕典奏上因多免枉死乃作全命錄以著 朝廷欽恤之意然是時一裨帥失律素有聲勢爲請託者執不貸回紇內徙者四出劫掠督所部勦滅之有寶鑑文綺之賜四年遷南京工部右侍郎歷南京工部尚書詳南京工部

王宗彝原名倫文之子直隸東鹿縣人成化丙戌進士授戶部主事歷郎中弘治五年任河南右布政陞都察院右副都御史巡撫陝西在任無所建明八年陞兵部右侍郎官至南京禮部尚書詳南京禮部

張敷華字公實江西安福縣人天順甲申進士改翰林院庶吉士授兵部主事進郎中歷陞副都御史巡撫山西風裁截然弘治八年移鎮陝西德政著聞人咸稱頌禁婚娶勿論財喪葬不得舉樂有妖僧據山爲逆羣議洵洵尚書馬文升曰張公實在必有處分比報至則敷華已授計令父老生縛之矣居官溫雅不隨果介不刻而貪殘矯僞者自革至於辨義利若黑白進退得失未嘗一動其心九年丙辰擢南京兵部右侍郎歷左都御史詳都察院

許進字季升河南河南府靈寶縣人成化丙戌進士授浙江道御史弘治初以右僉都御史撫大同以劾太監石巖被擠謫充

州知府四年命爲陝西按察使本年冬用廷臣議陞左僉都巡撫甘肅撫定哈密懋著偉績九年以功陞右副都御史移撫陝西地方時儀賓樊瑛淫兇事發事連撫按三司莫敢誰何進初至卽奏棄市陳地方事宜八條曰設驛遞以便應接革僻驛以蘇民困禁援例以除民害別淑慝以示勸懲省盤詰以除奸弊給月糧以責後効嚴防守以保地方降印信以防奸詐上多見采納先是州縣徵納公事人役投牌三司皆苦於科罰留難進至間以牌呼訊之革其弊因廉守令臧否軍民利病上下肅然藩臬出巡多應故事進著令凡巡歷所部期十日州縣期三日逐日自籍行過政績回則憑籍稽其勤惰至是守巡多留心

民隱鎮守太監劉珣貪虐跋扈巡撫莫能誰何進數勸戒反不遜乃數其不法諸事欲手擊之琅懼更爲循法進承安福張公數華之後關中人有張明鏡許重磨之謠十年丁巳詔爲戶部右侍郎累官吏部尚書餘詳吏部

熊翀字騰霄河南汝寧府光州人成化己丑進士授武進知縣擢御史初以僉都御史巡撫山東弘治十年陞都察院右副都御史移撫陝西地方居官嚴毅人見多畏憚之十三年遷工部右侍郎歷南戶部尚書詳南京戶部

周季麟字公瑞江西南昌府寧州人成化壬辰進士授兵部武庫主事改職方六年陞武庫員外轉車駕郎中爲大司馬所器

重倚任弘治庚戌陞浙江左叅政丙辰陞河南右布政尋轉左
丁巳陞都察院右副都御史巡撫甘肅地方十二年移撫陝西
地方時中貴人奉 詔取牡丹能裁省其費民以不擾初西安
以有警城守權調近地民兵五千久歲爲例有力者因私役焉
乃議歲用千人春秋番代餘悉罷遣歸農辛酉北虜小王子擁
衆數萬人入河套往來延寧二邊遣大將提兵捍禦李麟督屬
給餉不絕劾總兵恭順侯吳鑑怯弱宜易 詔罷鑑而以武定
侯鄭瑛代之寇屢入鎮原靖虜平涼李麟嚴兵以待部下獲功
甚衆在陝幾四年惓惓以振勵下僚爲務將領坐貪縱黜罷者
十八人其所薦進類多名士論者以爲知人十七年御馬監及

京營草場地土之在薊州者與民產錯置屢屢互爭 孝廟重
其事密諭內閣擇大臣勘處必得其人諸元老以季麟素有才
望遂 特召還巡撫薊州等處言官劾其移鎮有貪緣意屢辭
求去不允尋以養病去詳順天巡撫

孫需字孚吉江西饒州府德興縣人成化壬辰進士授常州府
推官擢南四川道御史歷浙江左布政陞都察院右副都御史
巡撫河南忤中官劉珰弘治十七年移撫陝西實疎之也需至
陝西經略武備謝循士卒取權貴所私殺復之舊伍他省有輸
粟助邊者皆令躬輦送無苦邊氓聞邊警則以義激士督之先
驅而亦擐甲從之不以勞避緣是以病乞休不允十八年改命

撫治鄖陽益需清慎有餘而邊務非其所長累官南京吏部尚書卒謚清簡詳南京吏部

楊一清字應寧湖廣岳州府巴陵縣籍雲南安寧州人成化壬辰進士授中書舍人累官南太常寺卿歷都察院右副都御史督理馬政弘治十八年改撫陝西地方一清有才略至則劾罷總兵武安侯及兵備不職者請釋緣事守備楊宏使自效裁抑鎮守中官支應歲省千金創城平虜紅古以援固原築瀕河垣一帶以捍靖虜乙丑虜入寧夏乘勝直抵固原一清率五十人趨會總兵曹雄議方略衆遮留不可叅政安惟學曰公行何所恃一清曰以身殉國成敗利鈍非所計竟去虜圍各馬營見新

兵軍容甚盛又聞一清且至移侵隆德一清連發火砲響應如數萬人虜疑我大兵至掣衆北走衆謂此行與郭子儀單騎見虜相類又題准增靈州鹽課及收卧引銀每年幾二萬一千兩發各處買馬支用未逾年百務具舉正德元年命總制陝西三邊軍務多著邊功詳內閣

張泰字世亨直隸河間府肅寧縣人成化戊戌進士授知縣歷御史正德元年由陝西左布政陞都察院右副都御史巡撫陝西地方循常供職而風裁未揚二年遷大理寺卿累官總制陝西三邊右都御史卒於固原詳三邊總督

曹元字以貞大寧前衛官籍直隸和州含山縣人成化乙未進

士授戶部主事累官山東左布政歷都察院右副都御史巡撫
甘肅正德二年移撫陝西地方爲人卑瑣柔佞突梯滑稽以苟
富貴附阿逆瑾以焦芳爲之奧援不數月躡陞兵部尚書詳內
閣

柴昇字公照河南南陽府內鄉縣人成化丁未進士擢工科給
事中轉兵科都正德元年任山東左布政二年以都察院右副
都御史巡撫陝西地方持已端慎關節不通振肅憲度以綱以
紀時革總制三邊率聽制於昇令行禁止終任毫無所取三年
陞吏部右侍郎歷南京工部尚書詳南京工部

本寬字汝栗直隸永平府遷安縣人成化戊戌進士初任西安

府知府惠民禮下晝接訟牘夜則飲宴其治坦闊不較小節有
高才遇事裁決如流皆談笑應之正德三年以甘肅右副都御
史改撫陝西地方行事磊落如治郡時但綜理未周任情裁決
本年遷刑部右侍郎詳三邊總督

賈錠

河南彰德府安陽縣人成化戊戌進士授汝水知

縣十八年擢湖廣道監察御史二十一年丁憂弘治元年補原
職五年陞福建僉事十年陞福建副使十一年陞山東按察使
十二年陞山東右布政使正德二年陞山東左布政使三年陞
都察院右副都御史巡撫陝西等處地方兼贊理軍務本年丁
憂遭逆瑾罰米令致仕後卒於家壽七十六

崔巖字民瞻湖廣郴州人成化辛丑進士初授戶部山西司主事弘治元年陞員外歷陝西司郎中五年陞山東左叅政十三年陞江西右布政十五年陞河南左布政正德元年陞巡撫大同右副都三年以右副都御史巡撫四年遷工部右侍郎歷左侍郎詳工部

黃寶字

湖廣長沙府長沙縣人成化甲辰進士授吏部驗

封司主事弘治元年陞文選司員外郎四年陞文選司郎中七年陞太常寺少卿養病十五年補任十六年改順天府丞十七年陞膳黃右通政正德三年陞應天府尹四年陞都察院右副都御史巡撫陝西地方兼贊理軍務五年致仕

藍章字

山東萊州府卽墨縣人成化甲辰進士擢御史弘

治十八年歷大理右寺丞正德元年轉右少卿二年陞都察院
右僉都忤逆瑾降撫州府通判五年起都察院右僉都御史巡
撫陝西時蜀搗賊寇掠漢中章選將練兵殲其首惡餘黨悉平
六年以討賊功轉右副都御史漢中諸路民生立祠建名宦鄉
賢二祠議所祀之人自學校以次議上縣府藩臬胥乘公論核
卒無濫舉有功風教九年陞南京刑部右侍郎詳南京刑部
陳壽字本仁遼東寧遠衛軍籍江西新淦縣人成化壬辰進士
授戶科給事中轉左二十三年進都給事中弘治戊申陞大理
右寺丞調南光祿少卿晉南鴻臚寺卿三年簡任都察院右僉

都御史改巡撫延綏陞南京右副都御史傳奉致仕正德元年
甲戌春陝西巡撫缺人值兵荒後軍民敝甚鎮守大監廖堂其
弟鵬姪鎧怙勢鴟張搖吻於民士夫家人重足而立吏部尚書
楊一清謂必得忠梗輕去就者制之乃起壽巡撫一下車旬日
卽揭榜諭衆利病之原罔不悉具仍令長安父老面陳得失量
斗斛平時價禁有司官市民物偶劇盜數十剽掠良民捕之枷
於市俱折其兩股盜賊屏息又下令曰遭喪不許停柩姻嫁不
許索財人皆遵之夏大旱令各街巷開渠以通陰氣減刑殺清
冤獄齊心誠禱天乃大雨歲不饑仍因關中薦災乞停逋負錢
糧罷額外貢獻俱報可會堂稱旨造絨氊帳幄數百間科價數

十萬兩壽至已完解廉知其贏餘數十萬兩欲輸內批檄所司
留以備賑仍戒諭此後不得指進貢有所牟取不然吾且執奏
堂兄弟訴於所怙者欲圖中傷之公指摘其曲庇爪牙矣叅諸
風憲不法事連疏四人并乞休不得請始視事先是鎮守黠從
數十輩散遣各郡縣衛所漁獵滋甚公委于戶王臣捕之皆鼠
竄焰大沮民稍安堵已而徵南京兵部右侍郎報至軍民數千
人擁集撫臺泣留公曰君命也出城之日號聲振地擁輿移日
不得行詳南京刑部尚書

馮清字

順天府宛平縣人弘治癸丑進士歷都察院右僉

都御史巡撫寧夏陞戶部右侍郎兼左僉都御史督理陝西糧

餉正德十年改巡撫陝西兼督理糧餉時邊餉緊急奏將正德
七年至元年停止引鹽與新引兼放所收銀兩輪年解發延綏
寧夏甘肅買馬糴糧俱允行之糧賴以集但性員通善附權勢
十一年陞刑部侍郎歷兵部左侍郎總制宣大軍務詳宣大總
督

蕭翀字凌漢四川成都府內江縣人成化辛丑進士授霍丘知
縣陞刑部主事歷左布政正德六年陞巡撫保定右副都
爲民九年起巡撫貴州十年改撫河南十一年以右副都御史
巡撫十二年改南院歷兩廣總制軍務右都御史詳兩廣總制
王憲字維綱山東兗州府東平州人弘治庚戌進士正德二年

任大理右寺丞三年轉左五年陞巡撫遼東右僉都六年守制
八年起原官撫治鄖陽十年改撫大同十一年由大同巡撫改
任十二年陞兵部右侍郎詳兵部尚書

鄭陽字

直隸保定府安肅縣人弘治丙辰進士授夏津縣

知縣十五年擢四川道監察御史正德二年降旌德縣主簿四
年陞潛山知縣五年陞四川僉事六年陞浙江副使九年陞湖
廣按察使十年陞山東右布政使十一年陞山西左布政使本
年陞都察院右副都御史巡撫寧夏十二年改巡撫陝西地方
兼贊理軍務十六年致仕

王翊字

直隸永平衛人弘治己未進士正德七年由刑科

都給事中陞順天府丞九年陞巡撫山西右僉都御史十一年降浙江叅議十四年陞巡撫山東左僉都御史十六年以右副都御史巡撫嘉靖三年遷南京大理寺卿歷兵部右侍郎詳兵部

王蓋字

山東萊州府濰縣人京衛軍籍弘治丙辰進士嘉

靖三年以右副都御史巡撫河南改撫五年陞工部右侍郎詳

工部

寇天叙字子惇山西太原府榆次縣人正德戊辰進士授南大理評事陞寧波知府十四年陞應天府丞嘉靖二年陞左僉都撫宣府改鄖陽未幾又改甘肅嘉靖六年以右副都御史巡撫

至則專務安靜輕徭薄賦節費以紓民力申飭官箴以警屬吏
訓練軍士擊虜固原斬首百餘晉俸一級是歲稔奏乞蠲糧發
帑因奏停織造民賴之九年遷刑部右侍郎丁憂後起兵部右
侍郎詳兵部

劉天和字養和湖廣黃州府麻城縣人正德戊辰進士十六年
任山西提學副使嘉靖元年養病五年補陝西提學六年陞南
太僕少卿改提督四夷館太常少卿本年陞巡撫甘肅右僉都
御史九年以右僉都御史巡撫十年加右副都御史仍前任十
一年丁憂服闋起總理河道歷兵部尚書總制團營詳兵部

王堯封字

直隸保定府定興縣人弘治乙丑進士任御史

正德十四年陞順天府丞嘉靖二年陞巡撫山東右僉都加右副都八年改巡視閩浙右副都閑住十一年起右副都御史巡撫十三年遷南院歷南工部右侍郎改戶部進都察院右都御史總儲戶部尚書致仕起南京兵部尚書詳南京兵部

黃臣字

山東濟南府濟陽縣人正德辛未進士歷工科都

給事中嘉靖十三年以右副都御史巡撫十五年改理兩淮鹽法詳總理鹽法

于湛字

直隸鎮江府金壇縣人正德辛未進士授兵部武

選主事九年陞車駕司員外十一年陞職方郎中十六年陞陝西右叅議改江西嘉靖元年陞雲南右叅政九年陞山西右布

政十年陞河南左布政十二年陞巡撫順天右副都未任閑住
十五年起右副都御史巡撫十六年改理河道歷鄖陽巡撫

任忠

山東登州衛人正德辛未進士十年任浙江布

政使十六年陞都察院右副都御史巡撫陝西地方十七年卒
於官

任洛

河南開封府鈞州人正德辛未進士嘉靖十二年

任巡撫山西右副都十四年改遼東十七年以左副都御史巡
撫十八年遷戶部左侍郎詳戶部

袁嶺

山東濟南府德州人弘治乙丑進士正德二年授

大理寺右寺副七年陞右寺正九年陞南陽府知府十四年陞

山西副使嘉靖二年陞陝西按察使四年陞江西右布政使五年回籍聽勘十二年補雲南右布政使十五年陞陝西左布政使十七年陞應天府尹十八年陞都察院右副都御史巡撫陝西被劾未任

趙廷瑞字信臣直隸大名府開州人正德辛巳進士嘉靖十年任騰黃右通政十一年丁憂十五年陞南京大僕寺卿十七年改光祿寺卿十八年以右副都御史巡撫十九年以功加兵部右侍郎兼右僉都御史仍前任二十一年遷戶部右侍郎兼右僉都御史總督宣大山西偏保等處軍餉歷戶兵左侍郎南京戶部兵部尚書詳兵部

路迎字

山東兗州府汶上縣人正德戊辰進士嘉靖十三

年任巡撫宣府十五年回院改撫治鄖陽右僉都御史十七年
陞巡撫山西右副都二十二年以右副都御史改任巡撫二十
三年遷兵部右侍郎尚書詳兵部

翁萬達字仁夫廣東潮州府揭陽縣人嘉靖丙戌進士二十三
年以都察院右僉都御史巡撫二十四年遷宣大總制歷兵部
尚書詳兵部

柯相字

直隸池州府貴池縣人正德丁丑進士嘉靖二十

三年任河南左布政二十四年以右僉都御史巡撫二十五年
遷撫河南詳河南巡撫

謝蘭字興德山西休州振武衛人嘉靖丙戌進士二十五年以
右副都御史巡撫二十八年遷工部右侍郎改兵部三十年謫
南京太僕寺卿

傅鳳翔字德輝湖廣德安府應山縣人嘉靖癸未進士二十五
年任巡撫江西右僉都御史二十八年以右副都御史巡撫二
十九年遷工部右侍郎歷戶部改兵部左侍郎協理戎政詳兵
部

鮑象賢字復之直隸徽州府歙縣人嘉靖己丑進士二十九年
以右副都御史任三十年改撫雲南

賈應春字東陽直隸真定府真定縣人嘉靖癸未進士三十年

以右副都御史任三十二年陞兵部侍兼僉都總督三邊

謝九儀字君賜山東濟南府章丘縣人嘉靖壬辰進士授雄縣

知縣改德清縣陞監察御史轉北直隸提學御史

年陞浙

江副使

年陞江西右叅政歷按察使復除浙江

年陞

江西右布政使轉河南左布政使三十二年陞右副都御史巡

撫陝西三十三年改戶部右侍郎未任改兵部協理戎政轉兵

部左侍郎改戶部左侍郎

年致仕

國朝列卿紀卷之一百二十七終